



TOSHKENT DAVLAT YURIDIK UNIVERSITETI REKTORINING B U Y R U G ' I

29.12.2022

416-um-son

O‘zbekiston Respublikasi Vazirlar Mahkamasining 2022-yil 19-dekabrda 196-son rayosat majlisi bayoni ijrosini ta‘minlash to‘g‘risida

O‘zbekiston Respublikasi Vazirlar Mahkamasining 2022-yil 19-dekabrda “Oliy va kasb-hunar ta’limi tizimida amalga oshirilayotgan islohotlar natijadorligi va 2023-yildagi asosiy vazifalar to‘g‘risida”gi 196-son Rayosat majlisi bayoni hamda Toshkent davlat yuridik universiteti rektorining 2022-yil 28-oktabrdagi “Toshkent davlat yuridik universitetida klub va doimiy loyihalar faoliyatini tashkil etish to‘g‘risida”gi 333-um-son buyrug‘ida belgilangan vazifalar ijrosini ta‘minlash, talabalarning ijtimoiy faolligini va tanlagan kasblariga bo‘lgan qiziqishlarini oshirish, ularda daxldorlik hissini yanada shakllantirish, faolliklarini munosib rag‘batlantirish hamda tadbirlarni tizimli tashkil etish maqsadida

BUYURAMAN

1. O‘zbekiston Respublikasi Vazirlar Mahkamasining 2022-yil 19-dekabrda 196-son Rayosat majlisi bayoni ma’lumot va ijro uchun qabul qilinsin.

2. Toshkent davlat yuridik universiteti rektorining 2022-yil 28-oktabrdagi 333-um-son buyrug‘i 3-ilovasi bilan Talabalarning “Ijtimoiy faollik indeksi”ni baholash me’zonlari hamda 4-ilovasi bilan baholash bo‘yicha komissiya tarkibi tasdiqlanganligi inobatga olinsin.

3. “Ijtimoiy faollik indeksi”ni baholash me’zonlariga muvofiq komissiya xulosasiga ko‘ra o‘quv yili yakuni bo‘yicha eng yuqori ball to‘plagan 5 nafar talabaga quyidagi imtiyozlar berilishi belgilab o‘tilsin:

Talabalarni rag‘batlantirish jamg‘armasi mablag‘lari hisobidan bazaviy stipendiyaning 5 baravari miqdorida bir martalik moddiy rag‘batlantirish amalga oshiriladi;

tajriba almashish maqsadida xorijiy davlatlarga qilinadigan safarlarda delegatsiya tarkibida hamda qisqa muddatli stajirovkalarda navbati bilan ularning ham ishtirok etishlari tashkil etiladi;

talabalar uchun tashkil etiladigan yozgi va qishki oromgohlarda ishtirok etishlari uchun imtiyoz taqdim etiladi.

4. “Ijtimoiy faollik indeksi” baholash me’zonlariga bo’yicha talabalarni baholash o’quv yili natijalariga ko’ra har yil iyun oyi oxirgi o’n kunligida amalga oshirilishi belgilab o’tilsin.

Bunda talabalar belgilangan mezonlarga muvofiq o’zlari tomonidan amalga oshirgan ishlarni elektron tarzda umumlashtirib fakultet dekanlariga taqdim etadilar. Fakultet dekanlari komissiya huzurida talabalarning ijtimoiy faolligini mezonlar asosida himoya qiladilar.

5. Yoshlar masalalari va ma’naviy-ma’rifiy ishlar bo’yicha birinchi prorektor A.Xashimhonov:

o’quv yili yakuniga ko’ra talabalarni “Ijtimoiy faollik indeksi” baholash me’zonlariga muvofiq baholash ishlarini adolatli, haqqoniy, to’laqonli va sifatli amalga oshirilishini ta’minlasin;

“Ijtimoiy faollik indeksi” bo’yicha baholash me’zonlari barcha talabalarga atroflicha tushuntirilishi hamda ular orasida keng targ’ib qilib borilishini nazoratga olsin.

6. Fakultet dekanlari:

“Ijtimoiy faollik indeksi” bo’yicha baholash me’zonlarini talabalar o’rtasida keng targ’ib qilinishi hamda tushuntirish ishlarini olib borilishini ta’minlasin;

“Ijtimoiy faollik indeksi” bo’yicha baholashda ishtirok etish istagini bildirgan talabalarga zarur hujjatlarini tayyorlashlariga ko’maklashsin hamda ularni tizimli tayyorlab borish choralari ko’rsin;

komissiya yig’ilishiga talabalarning hujjatlarini tayyor holda olib kirilishini ta’minlasin.

7. Talabalarni “Ijtimoiy faollik indeksi” bo’yicha baholash ishlarini muvofiqlashtirish Ma’naviyat va ma’rifat markazi tomonidan amalga oshirilishi belgilab o’tilsin.

8. Mazkur buyruq ijrosi nazorati birinchi prorektor A.Xashimhonov zimmasiga yuklatilsin.

Rektor v.v.b.



I.RUSTAMBEKOV

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



yuriskonsult

D.ALIBOYEV



Devonxona mudiri

X.ABDULLAYEV

